

Treća međunarodna konferencija  
*Sarajevo i svijet*  
od 4. do 15. maja 2017.

Javna rasprava  
*SARAJEVO I BOSNA U FILOZOFIJI ESADA ZGODIĆA*  
Sarajevo, 4. maj (četvrtak), 2017.  
Hotel *Europe*, početak u 19.00 sati

Međunarodni forum Bosna organizirat će 4. maja 2017. godine, u okviru obilježavanja Dana Općine Stari Grad Sarajevo, Javnu raspravu *SARAJEVO I BOSNA U FILOZOFIJI ESADA ZGODIĆA*. Rasprava će biti organizirana u hotelu *Europe* s početkom u 19.00 sati.

Senadin Lavić će predstaviti filozofsko djelo Esada Zgodića i razgovarati s njim. Odabrane fragmente predstavljenog djela čitat će Jasmin Hasanović. Raspravu će moderirati Nerin Dizdar.

U svom filozofskom djelu Esad Zgodić je istraživao najvažnija pitanja politika u Bosni i u vezi s njome. Za to opsežno djelo opravdano je reći da otvara nove vidike bosanske političke filozofije, a zapravo raspravljanja o najvažnijim tokovima mišljenja o pluralnim društvima u svijetu i implikacijama tog u bosanskoj političkoj drami u posljednjim stoljećima. Među njegovim knjigama su i slijedeće: *Partije i koalicije (2016)*; *O državama: Kritički pojmovnik statologije, 1 i 2 (2015)*; *Teritorijalni nacionalizam: Ideologija, zlotvorstvo i alternative (2012)*; *Kultura patriotizma: O vrlinama i porocima jedne ljubavi (2011)*; *Tajni život demokratije: Prilozi političkoj geologiji (2010)*; *Multiverzum vlasti: Za novu kratologiju (2009)*; *Ideja bosanske nacije i drugi radovi (2008)*; *Politike fantazija: O ratu protiv Bosne i Hercegovine (2005)*; *Politike poricanja: O metapolitici i bosanskoj alterpolitici (2005)*; *Ideologija nacionalnog mesijanstva (1999)*.

Senadin Lavić je profesor Univerziteta u Sarajevu. Njegovo akademsko područje obuhvata pitanja metoda u društvenim znanostima, racionalnosti i jezika, te društvenih teorija. Iz takvog akademskog vidika preispituje i zagovara odnose prema Bosni, bosanstvu i bošnjaštvu.

Jasmin Hasanović je asistent Fakulteta političkih nauka Univerziteta u Sarajevu na predmetu Savremene teorije vlasti i geopolitika.

Nerin Dizdar je viši asistent Univerziteta u Mostaru. Njegovo akademsko područje obuhvata teorije i strategije prevođenja i politike kulturnog razizma.

Javna rasprava je zamišljena kao otvoreno intelektualno predstavljanje i preispitivanje filozofije Esada Zgodića kao javnog dobra najvišeg reda.

Rasprava je otvorena za širu javnost.

Tarik Čengić  
MFB koordinator